



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Սիմիդյան

«26» 07 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0105-22

Ձեռնարկողը՝

«Հայգյուղշիննախագիծ» ՍՊԸ
Երևան, Կիևյան 16

Գործունեությունը՝ Սուրենավանի IV գոյրու հեռացնող ջրանցքի
վերակառուցման շրջակա միջավայրի վրա
ազդեցության նախնական գնահատման հայտ
ՀՀ, Արարատի մարզ,

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

Առդիր՝ 4 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0105-22

<26> 07 2022թ.

Սուրենավանի IV գոտու հեռացնող ջրանցքի վերակառուցման շրջակա միջավայրի
վրա ազդեցության նախնական գնահատման հայտ

Ձեռնարկող՝

«Հայգյուղշիննախագիծ» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

Արարատի մարզ, Սուրենավան բնակավայր


Ներածական մաս. Գործունեության նպատակն է իրականացնել Սուրենավանի IV գոտու հեռացնող ջրանցքի վերակառուցման աշխատանքներ: «Ոռոգման համակարգերի արդիականացման ծրագրի» նպատակն է Հայաստանի ոռոգման ենթակառուցվածքների արդիականացումն ու արդյունավետության բարձրացումը: Սուրենավանի IV գոտու ջրանցքը գտնվում է Արարատի մարզի Սուրենավան բնակավայրում:

Բոլոր աշխատանքներն իրականացվելու են բնակավայրերի բնակելի տարածքներից դուրս:

Նախատեսվող գործունեությունը, հանդիսանում է Գ կատեգորիայի գործունեության տեսակ, համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 3)-րդ կետի «բ.» ենթակետի:

Նկարագրական մաս. Սուրենավանի ոռոգման համակարգի արդիականացման ծրագրի շրջանակներում, նախատեսվում է վերակառուցել Սուրենավանի 4-րդ գոտու՝ 1.077կմ հեռացնող ջրանցքը: Տարածքի մակերեսը 240հա է, ջրանցքի ջրթողունակությունը՝ 180լ/վրկ:

Հաշվի առնելով սկզբնամասի 600մ հատվածում ~~ընտրված~~ խողովակաշարի տրամագիծը, ընտրվել է պոլիէթիլենային ճնշումային խողովակաշար 500մմ տրամագծով, որպեսզի հնարավոր լինի ապահովել ջրատարի սկզբից մինչև վերջ 180լ/վրկ ջրի ծախսը: Խողովակաշարը տեղադրվում է ստորգետնյա: Խրամուղու չափերն են $H=1.8$ մ, $b=0.8$ մ, $m=0.25$:



Նախատեսված են պահանջվող բոլոր տիպի ու անհրաժեշտ քանակի կառուցվածքներ՝ ջրթողներ, օդահեռ և դատարկման հորեր:

Շինմոնտաժային աշխատանքների շինարարությունն իրականացվելու է ավանդական եղանակներով՝ համապատասխան շինարարական մեքենաների ու մեխանիզմների կիրառմամբ:

Շինարարական տեխնիկայի մուտքը դեպի ոռոգման համակարգերի տարածքներ նախատեսվում է իրականացնել գոյություն ունեցող ճանապարհներով, իսկ շինարարության նյութատեխնիկական մատակարարումն իրականացվելու է լիցենզավորված շինարարական կազմակերպություններից:

Շինարարության նյութատեխնիկական մատակարարումը նախատեսվում է իրականացնել հետևյալ սխեմայով.

- շաղախը և բետոնը կառաքվեն մոտակա բետոնաշաղախային հանգույցներից՝ մասնագիտացված տրանսպորտային միջոցներով: Առաքումը կկազմակերպվի այնպիսի պարբերականությամբ, որ ապահովվի շինարարական աշխատանքների անընդհատությունը:

- հավաքովի ե/բ կոնստրուկցիաների էլեմենտների պատրաստման համար նախատեսվում է օգտագործել հարակից տարածքների շինարարական արդյունաբերության հզորությունները:

Խրամների քանդման ընդհանուր մակերեսը, 1562մ² է, հանույթը՝ 2550մ³, ետլիցք՝ 1583մ³, ավելցուկային գրունտ 967մ³, բուսահողը բացակայում է:

Հողային աշխատանքների հաշվարկն իրականացվել է համաձայն երկրաբանական կտրվածքների: Նախատեսվող գործունեության ժամանակ առաջացող թափոնները հիմնականում 4-րդ և 5-րդ դասի են: Դրանք իրենցից ներկայացնում են շինարարության խառը թափոններ, ոչ պիտանի հանույթն ու հողային աշխատանքների դեպքում հողային, ավազային շլամը, ինչպես նաև շինարարական աշխատանքներում ներգրավված անձնակազմի կողմից առաջացրած կենցաղային աղբը: Կենցաղային աղբի կանխատեսվող տարեկան քանակը՝ 210կգ:

Շինարարական աղբը շինհրապարակից պարբերաբար կհեռացվի տեղական ինքնակառավարման մարմինների կողմից հատկացված վայր՝ ծածկով ապահովված բեռնատարներով:

Կենցաղային աղբի կուտակման համար շինհրապարակն ապահովված կլինի համապատասխան աղբամաններով:

Աշխատանքների իրականացման համար նախատեսվում է օգտագործել բետոնային խառնուրդ, ամրաններ, ջրամեկուսիչ նյութեր, եռակցման էլեկտրոդներ և այլն:

Բնառեսուրսներից օգտագործվելու է միայն ջուր՝ փոշենստեցման և աշխատողների կենցաղային կարիքների համար:

Տեխնիկական ջուրը մատակարարվելու է մոտակա ոռոգման ցանցից, ջրատար մեքենաներով, Երևանի քաղաքապետարանի հետ պայմանագրի հիման վրա:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

- իրականացնել կանոնավոր ջրցան շինհրապարակից փոշու արտանետումները նվազագույնի հասցնելու նպատակով:

- Մեքենաների երթևեկությունն անհրաժեշտ է իրականացնել սահմանափակ 30կմ/ժ չգերազանցող արագությամբ՝ երթևեկությունից առաջացող արտանետումները կրճատելու



համար:

-Խուսափել մեքենաներն ու սարքավորումները զգայուն ազդակիրների հարևանությամբ կայանելուց, ինչպիսիք են՝ մասնավոր բնակելի տները, փոքր բիզնեսի կետերը, հասարակական շենքերը և այլն:

-Աղմուկ առաջացնող աշխատանքներն անհրաժեշտ է իրականացնել օրվա ցերեկային ժամերին՝ 14:00- 18:00:

-Տեղադրել ցուցանակներ/ ցուցապաստառներ,

-Հետլիցքն իրականացնել հնարավորինս կարճ ժամկետներում և բացառել անիմաստ բաց խրամուղիների առկայությունը:

-Շինհրապարակում ունենալ կեղտաջրերի հեռացման տարա (≥ 3 մ3) և հնարավոր կեղտաջրերը/բետոնաջրերը հեռացնել նախատեսված տարայում:

-Նախքան շինհրապարակից դուրս գալն անհրաժեշտ է իրականացնել անվադողերի մաքրում:

-Անհրաժեշտ է բացառել շինանյութերի և աղբի կուտակումը շինհրապարակից դուրս:

Ըստ նախնական գնահատման հայտի նախատեսվող գործունեության տարածքներում /ազդեցության գոտում/ բացակայում են բնապահպանական տեսանկյունից խոցելի կամ բնության հատուկ պահպանվող տարածքները, ինչպես նաև պատմամշակութային արժեքները: Անմիջապես ջրանցքի վերակառուցման աշխատանքների տեղանքում չկա բնական բուսածածկ և չկան վայրի կենդանիներ:

Ամբողջ ծրագրի շրջակա միջավայրի վրա բացասական ազդեցության նվազեցմանն ու բացառմանն ուղղված միջոցառումների ծախսերի գումարային գնահատումը մոտ 10 մլն. ՀՀ դրամ է:

Պատճառաբանական մաս. Օրենսդրությամբ սահմանված կարգով, Սուրենավանի IV գոտու հեռացնող ջրանցքի վերակառուցման վերաբերյալ իրականացվել են հանրային քննարկումներ Արարատի մարզի Արարատ համայնքի Սուրենավան բնակավայրի վարչական շրջանում, որոնց ընթացքում տեղական ինքնակառավարման մարմիններն ու հանրությունը հավանություն են տվել նախատեսվող գործունեության իրականացմանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, կադաստրի կոմիտեն: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Շինարարական աշխատանքներն իրականացնել ՀՀ օրենսդրության և նորմատիվատեխնիկական փաստաթղթերի համաձայն՝ պահպանելով շինհրապարակի աշխատանքային անվտանգության կանոնները, բանվորների արտահագուստի և հիգիենայի պահանջները:

-Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ համայնքապետարանի հետ համաձայնեցված:



ԵԶՐԱՓԱԿԻՉ ՄԱՍ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
առաջին կարգի մասնագետ՝



4